

BUSINÀ 83°

2007-2008

(Bellinaso Fabio – Raiteri Pier Luigi)

Buna, buna sira cari siuri, c'mè c'la va? U smejia ieri c'as suma vist e a l'è zà pasà in ani e cun ist i son utòntatrei c'a fuma la Divòta Cumedia. E noi a j'uma intension d'andè avònti sent'ani, perché, s'i v'a stufi nénta voi a vigla, figürumsi noi ad fèla.

Prüma 'd c'mensè, auriva ricurdè doi amis cha da ist ani im uardu dal Paradis: Gian Maria Moraschi e Carlo Remotti. Na vita pasaia chi dai Frà! Gian Maria a l'è stacc per tònc an u noster Medoro e an pü u s'antesava del luci e dla música. Carlo a l'è stacc jën di prüm sociu dl'Asuciasión, e noi auruma salütei: ciau Gian Maria, ciau Carlo! I saréi sémper ant u noster cor.

Ist'ani u j'è stacc divers cambiament: a salütuma el Véscuv nov, Mons.Versaldi, e ai fuma tònc augüri per la so atività e a ringrasiuma Mons.Charrier per tüt cul c'l'ha facc per l'Asuciasion.

Ònche chi dai frà a j'uma cambià l'Asistent. I sei che ant el mond del balon u j'è el calcio mercato: e ben, chi dai frà a j'uma el 'frate mercato': u j'è stacc in còmbi alla pari. A l'è partì Padre Tonino a l'è andacc a Fuson e a l'è rivà Padre Stefano da Türen. A Padre Tonino auruma di grasie per cul c'l'ha facc per l'Asuciasion e a Padre Stefano a j'augüruma 'd pudei travajè an armonia e serenità.

"How are you?". No, uardè c'a son nént amni mat, a v'hó ciamà "c'mè ch'i stei?" an inglese. Sé, perchè au di d'ancò se 't parli nént an pò an inglese, 't ei bèle panà. Pensè che l'ater di in me amis u m'ha dicc: "Gilindu, ant el weekend a j'hó in meeting, pó' a fuma in sit-in per in lunch ant in fast-food". Me a son armas bèle ancantà; pó' a son andacc a cà, a j'hó pià u disiunari per vighi se c'um ava dicc. An pratica, u m'ha facc na culumbarda acsé per dim che ròba? Che a la fén 'd la smònna u s'ancontra cun 'n amis, is sètu e i mòngiu in panén da sgagià!

Auriva cüntèv se c'u m'è capità l'ater di. A son andacc a paghè l'asicürasion 'd la machina e l'impiegaja u m'ha facc in mügg ad dumòndi: c'mé c'am ciam, quònc an c'a j'hó, andó c'a stag, el 'codice fiscale', andó c'a travaj: a l'ava ancora da ciamèu u nümer del scarpì c'a port e pó' u m'ha ciamà tüt. Quòndi c'l'ha finì 'd cumpilè el fói, u m'ha dicc ad firmè, e me a j'hó ciamà se c'l'era: "No, c'us preocupa nénta, a l'è per la 'Privacy'.

A pruposit 'd privacy, ant isti di, i j'hòn distribuì di sachèt ad culur azurro e tücc i j'hòn pensà c'al fissa Berlusconi c'l'ava stüdià na manera nóva per fè dla prupagònda, ma lü sènsa gazebo el fa gnénte. Anveci a l'era l'AMIU e u

sèrv per la raccolta differensiaja, da zà che 'd cuntenitur ui n'j'è pòc. La qui-
stion a l'è che an si casunèt u j'è scricc se 't devi bütei e ant is sachèt u j'è
scricc se 't devi nénta bütei: i l'hòn batzà u sachèt del mistero... Sé, perchè o
't ei in magu o se no 't vai ant el pastis. Anlura a j'hó telefonà a l'AMIU per
savei se c'ui va chi 'ndrenta! I pannulon? Ma i l'hòn nénta scricc per la
Privacy. Chi c'ù j'ha damsté, el fa la dumònda e ui va a ritirè; i m'hòn dicc
ch'i vòn a ruba. D'atra part, el mangè d'ancò l'è pü c'mé na vòta, a l'è tüt
geneticamént mudificà, a l'è roba c'l'a ruja, c'l'a ruja, e la fa andè... A j'hó
capì adès cmèla mai Curs Ruma l'è pèn 'd negòsi 'd midòndi.

Girònda per la sità, a j'hó ausà la testa e a j'hó vist c'ù j'è la moda ad tachè
sü i Babbo Nadal, e ui na j'è ad tüt j'amsüri; cui pü cit tacà al fnèstri, cui gros
tacà ai pugió. Ist'ani i n'hòn tirà fora in'ater mudèl ch'is bugiu e 's rampignu:
però ste 'tént che isi i son cui ch'i vòn a gratè!

Ist'ani a j'uma avì j'ielesion du Séndich, a l'ha vensì Pier Carlo Fabbio. I
m'hòn dicc c'l'è sicüramént a l'autèsa dla Sindachèsa c'a j'era prüma... per
me ònche cuc centim ad pü. E i voru fèla an grònd...j'è vist che tréi alberi 'd
Nadal i t'hón piantà sü; pensè c'a j'era an Piasa dla Libertà e u j'è rivà in omi
da Via Guasco c'ù trovava nénta el Municipio, e u m'ha ciamà s'i l'avu spu-
stà. "No munsü, a l'è 'drera a la piònta" aj hó spiegà. I j'hòn gavà la Z.T.L. e
i t'n'hòn arfilà trè.

A pruposit, sémper per la privacy, auriva savei chi c'l'è c'ù sta an Centro
c'l'ousa la mòn...grasie! Adès chi c'ù sta ant j'Ort, Rion Galimbert e al Crist,
ecco voi adès i ciami scüsa a cui du Centro che per tòncc ani is son pià la
culpa ch'i inquinavu! Ma me j'aughiva, i surtivu a fè pisè el can, a piè u giur-
nal, c'mé ch'i favu a inquinè!

Adès i stòn rangiònda i giardén 'd la stasion e speruma ch'is visu ònche di
giardén Pittaluga, cui adrera al vègg uspidal militar che d'istà i son giardén,
ma d'inver, s'el piov du vòti, i 'dventu na pisina.

Da ist'ani i j'hòn putensià u servisi 'd l'ATM bütònda del navèti biòncchi e ij
l'hòn ciamaij 'Servizio Ecco Bus – Servizio a Chiamata'. Me a digh ch'is son
smentià ad dèj u nümer du telefono, perchè i son sémper bèie voj!

In ater problema da risolvi a l'è cul di pont. A j'uma el pont Tiziano che da
suta a l'ava di 'minialloggi' andò c'ui stava dla gént che 't savi gnòncia ch'i
fissu lé. Na giornà anviscònda el 'barbecue' u j'è partì na fiamà e i j'hòn brüsà
i tirònt ch'il tñivu sü e 'csé i j'hòn duvì sarèli; el bèl ch'i j'hòn dacc la culpa
al pont c'l'era nént assicurà. Adès i l'hòn turna drubì, ma i j'hòn dicc c'l'è nént
tònt sicür. E pó' u j'è el pont 'd la Sitadéla c'a l'è an bilic tra cui ch'i voru trel
sü per fenì jèn prugetà da 'n architèt americòn, e cui ch'i son cuntrari. Me
aurisa nént ch'i treisu zü el Pont 'd la Sitadéla e i smuleisu i tirònt del Tiziano
e anlura c'mè c'a fuma a traversè Tani? Sta a vighi c'um tuca turna drubè el
burcé c'mé na vòta!

Dal prüm di dl'ani, la Giónta Cumünal a l'ha furmà na sucietà c'l'a gestis tüt el 'farmacij cumünal': il sei c'mè c'as ciamà? 'Farmal'! C'mé cus fa a ciamè na sucietà c'l'a distribuis del medzeini 'Farmal'. L'è che ant la sanità i sgaru tröp sold. Pensè c'um ha cüntà in amis, ch'el fa u rappresentònt, c'a l'era a Cüni e l'è entrà ant na farmacia per piè na pastiglia per el mà dla testa, e u dutur ui n'ha dacc des scatuli e lü u j'ha dicc c'u n'ava d'ambdògn ammac j'èina. "C'us preocupa nénta, noi chi a suma la pruvincia 'grònda'. L'ha damsté ancora cuc cosa?" El me amis ui rispond: "Ch'el uarda, dutur, a j'ava damsté del supòsti. Ma ai pei a Lisòndria"!

In prublema gros c'a j'uma chi a Lisòndria, a l'è cul di parchegi. I j'hòn dicc ch'i na fòn j'en nov an Piasa dla Libertà e an Piasa Garibaldi. Speruma ch'i peju nénta cul ingegner c'l'ha prugetà el parchegi 'd Via Parma, che per me l'è el medesim c'l'ha prugetà la 500. Sé, perchè se t'hai na machina pü grossa che na 500, at giri nénta. Ma se anveci 'd fèli out e stricc, il favu an pò' pü bas e an pò' pü larg... però i j'hòn pensà bén 'd nént fè paghè el prüm du uri: per forza, a ti a бүti in'ura e mèsa per parchegè!

Adès auriva di du paroli an si noster pulitic ch'i son sèmp adrera a rüsiè, an particular an sla rifurma del pensìon. Prüma u j'era el fnèstri, ma j'andavu nént bén, perchè quòndi ch'is n'antaiavu ch'i pudivu nént andè an pensìon, i drubivu e is travu zü! Ades i j'hòn tirà fora el scali, la scalëtta, u scalone. Me a dig, i fòn nénta prüma a бүтè in bèl asensèr? Va, ch'i son furb: i sòld per lo 'scalone' i l'hòn Nènta trovà, ma per la scalada del Bònchi, i l'hòn trovà!

Adès però ui sta cambiònda tüt. El Partì Demucratic a l'ha facc el 'primarij' per sèrni u lider c'l'è Veltroni. Berlusconi u s'è pià invidia e l'ha facc el 'primarij' ònche lü, ma per sèrni u nòm del Partì, perchè cul c'a cmònda, a l'è semper lü. La sinistra a sé riunija e i voru fè la 'cosa rossa' e i voru ciamèla 'Sinistra Arcobaleno'; ai me témp, l'arcobaleno a l'ava ses o set culur, adès us vig c'u j'è tònti sfümadüri 'd rus. Casini cun Montezemolo i voru fè la 'cosa bianca'. Ma s'is бүтеisu tücc d'acordi e i féisu 'la cosa giusta', andreivu tücc pü bén.

Adès a la piònt lé, se no av fass na predica e voi per sénti na predica i j'andavi an cesa da Padre Stefano e i spendivi gnénte. Anlura a c'mensipiuma e av présent la me famija...